

陸軍部鑒定

模

範

軍

人

第八冊

馮勝藍玉

戚繼光
周遇吉

事略

朱瑞題



全書一冊

國 民 淺 訓

一角五分

是書都凡十三章。語語淺顯。

字字精當。凡國民不可不知

之理。與夫不可不盡之責任。

無不詳細解說。示國民以途

徑。吾國歷來不完全之見解。

自窒進步之積習。無不究其

病之所由來。窮其弊之所終

極。痛下針砭。俾國民知幡然

改革之不容已。全國國民能

率而行之。斯不愧為共和國

之國民矣。

商務印書館發行

元(434)

The Model Soldiers
Vol. VIII

Fêng Shêng, Lan Yü, T'si Chi-kung & Chou Yü-chi
Commercial Press, Limited
All rights reserved

中華民國十年十月再版

模範軍人(馮勝藍玉事略一冊)
第八冊(威繼光周遇吉)

(每冊定價大洋壹角伍分)
(外埠酌加運費匯費)

編纂者 無錫孫毓修

發行者 商務印書館

印刷所 上海北河南路北首寶山路
商務印書館

總發行所 上海棋盤街中市
商務印書館

分售處 商務印書分館

長沙常德衡州成都重慶瀘縣
福州廣州潮州香港梧州雲南
貴陽張家口新嘉坡

此書有著作權翻印必究

模範軍人第八冊目錄

馮勝

一 明初之情勢

三 淮廬之戰

五 班師受懲

七 北却元兵

九 降納哈出

十一 勝之遠見

藍玉

一 少年立功

三 大舉征虜

五 鑄過於勞

二 成兄之志

四 豫晉之戰

六 世券酬功

八 望重宿將

十 就第鳳陽

二 輕騎受降

四 經略西番

六 難爲元功

戚繼光

一 將門之子

二 注意練兵

三 倭寇

四 勝倭一

五 勝倭二

六 勝倭三

七 移鎮薊門

八 重飭邊防

九 課邊居最

十 專任之効

十一 法不避子

十二 兵書傳後

周遇吉

一 結明一代之局

二 崇實去華

三 保全襄陽

四 獨當賊衝

五 義不從賊

六 一軍皆忠義

七 夫人殉國

模範軍人第八册

馮勝

一 明初之情勢

明祖以一布衣起兵濠右終能削平羣寇北逐胡元振生靈於塗炭復漢官之威儀者非賴羣策羣力不爲功中山開平其功偉矣而元帝雖去以蒙古爲外府勢猶未衰西北諸省未能高枕而臥也於是馮勝藍玉二將復於偃武修文之後馳劍於伊吾之北以成其功名不有徐常則無以定中原不有馮藍其何以靖邊境哉

二 成兄之志

馮勝定遠人

今安徽淮泗道定遠縣

初名國勝又名宗異最後名勝生時黑氣滿室經日

不散。及長。雄勇多智略。與兄國用俱喜讀書。通兵法。元末天下大亂。勝與其兄號召鄉里健兒。結寨以自保。太祖略地至妙山。國用偕勝來歸。甚見親信。

太祖嘗從容詢天下大計。國用對曰。

金陵龍蟠虎踞。帝王之都。先拔之以爲根本。然後四出征伐。倡仁義。收人心。勿貪子女玉帛。天下不足定也。

太祖大悅。俾居幕府。其後太祖定天下。及擇都建國之方。皆如國用言。從克滁和。戰三义河。板門寨。雞籠山。皆有功。從渡江。取太平。遂命國用典親兵。委以心腹。年三十六。卒於軍。賁志沒地。長懷無已。遺子又少。勝乃起而成兄之志焉。

三 淮廬之戰


國用在日。勝已積功爲元帥。太祖命襲兄職。典親軍。陳友諒逼龍灣。太祖禦之。戰石灰山。勝攻其中堅。大破之。又追破之采石。遂復太平。從征友諒。破安慶水。



寨長驅至江州。走友諒。進親軍都護。從解安豐圍。遷同知樞密事。從戰鄱陽。下武昌。克廬州。移兵取江西諸路。與淮將收淮東。克海安壩。取泰州。徐達攻圍高郵未下。還師援宜興。以勝督軍。高郵守將詐降。勝令指揮康泰帥數百人先入城。敵閉門盡殺之。太祖怒。召勝至。決大杖十。令步詣高郵。勝慚憤。攻甚力。達亦自宜興還。益兵攻克之。遂取淮安。安豐破。擒吳將呂珍於舊館。下湖州。克平江。功次平章常遇春。再遷右都督。從大將軍達北征。下山東諸州郡。

四 豫晉之戰

明祖以次削平諸寇。乃奠都金陵。改元洪武。勝兼太子右詹事。坐小法。貶一官。爲都督同知。徐達北伐。勝亦引兵遡河。取汴洛。下陝州。趨潼關。守將宵遁。遂奪關。取華州。太祖勞軍至汴。勝謁帝於行在。授征虜右副將軍。留守汴梁。尋從大將軍征山西。由武陟取懷慶。踰太行。克碗子城。取澤潞。擒元右丞賈成於猗氏。



山西省形勢圖

克平陽澤州。擒元左丞相田保保等。獲將士五百餘人。帝悅。詔右副將軍勝居常遇春下。偏將軍湯和居勝下。偏將軍楊璟居和。下。

五 班師受懲

洪武二年。勝渡河。趨陝西。克鳳翔。遂渡隴。取鞏昌。進逼臨洮。降李思齊。還從大將軍圍慶陽。元將擴廓遣將攻原州。爲慶陽聲援。勝扼馬勝關。敗其將。遂克慶陽。執張良臣。陝西悉平。帝召大將軍還。命勝駐慶陽。節制諸軍。勝以關陝既定。



陝西省形勢圖

六 世券酬功

洪武三年正月。復以右副將軍同大將軍出西安。擣定西。破擴廓帖木兒。獲士馬數萬。分兵自徽州南出一百八渡。循略陽。禽元平章蔡琳。遂入沔州。遣別將

六
遂不俟朝命。輒引兵還。此殊違臣節也。帝大怒。切責之。念其功高。釋而勿問。而賞賚金幣。不能及大將軍之半。勝之功固不及達。亦藉以示懲戒也。

自連雲棧取興元。移兵土番。征哨極於西北。凱旋論功。授開國輔運推誠宣力武臣。特進榮祿大夫右柱國同參軍國事。封宋國公。食祿三千石。予世券誥詞。其略曰。

勝兄弟親同骨肉。十餘年間。除肘腋之患。建爪牙之功。平定中原。佐成混一。

七 北却元兵

勝馳驅半世。治定功成。其將以戎馬餘生。優游終老乎。蓋猶未能也。洪武五年。故元遣將擴廓。自和林入寇明邊。太祖欲爲一勞永逸之計。乃大發兵。三道出塞。命勝爲征西將軍。帥副將軍陳德。傅友德等出西道。取甘肅。至蘭州。友德以驍騎前驅。再敗元兵。勝復敗之掃林山。至甘肅。元將上都驢迎降。至亦集乃路。守將卜顏帖木兒亦降。次別篤山。岐王朶兒只班遁去。追獲其平章長加奴等二十七人。及馬駝牛羊十餘萬。是役也。大將軍達不利。左副將軍李文忠殺傷

相當。獨勝斬獲甚衆。全師而還。會有言其私匿駝馬者。賞不行。勝以爲丈夫報國耳。賞之有無。何足計。元寇旣去。一意練兵。以防其後。

八 望重宿將

數年後。元太尉納哈出擁衆數十萬。屯金山。數爲遼東邊害。時大將軍達。左副將軍文忠。皆已卒。環顧宿將中。惟勝可當大任。洪武二十年。授征虜大將軍。領國公傅友德、永昌侯藍玉爲左右副將軍。帥南雍侯趙庸等。以步騎二十萬征之。鄭國公常茂、曹國公李景隆、申國公鄧鎮等皆從。帝復遣故所獲納哈出部將乃刺吾者。奉璽書往諭降。勝出松亭關。分築大寧、寬河、會州、富峪四城。駐大寧踰兩月。留兵五萬守之。而以全師扼金山。

九 降納哈出

納哈出見乃刺吾。驚曰。「爾尙存乎。」兩人相見。蓋如隔世矣。乃刺吾述帝恩。



德。納哈出喜。遣其左丞探馬赤等獻馬。且覘勝軍。勝已深入踰金山。至女直苦屯。降納哈出之將慶國公觀童。大軍奄至。納哈出自度不能敵。因乃刺吾請降。勝使藍玉輕騎受之。

玉飲。納哈出酒。歡甚。解衣衣之。納哈出不肯服。顧左右咄咄語。謀遁去。勝之壻常茂在坐。遽起砍其臂。都督耿忠擁以見勝。納哈出將士妻子十餘萬屯花河。聞納哈出傷驚潰。勝遣童觀諭之。乃降。得所部二十餘萬人。牛羊馬駝輜重互百餘里。還至亦迷河。復收其殘卒二萬餘。車馬五萬。

十 就第鳳陽

勝建此大功。宜邀懋賞。而事有大不然者。師還。有言勝多匿良馬。使閹者行酒於納哈出之妻。求大珠異寶。王子死二日。強娶其女。失降人心。又失濮英三千騎。其壻常茂亦訐勝。蓋勝以激變罪之。故憤而爲此也。帝怒。收勝大將軍印綬。





河南省形勢圖

命就第鳳陽。奉朝請。自是不復將大兵矣。二十一年。奉詔調東昌番兵征曲靖。番兵中道叛。勝鎮永寧安撫之。二十五年。命籍太原平陽民爲軍。立衛屯田。皇太孫立。加太子太師。偕潁國公友德。練軍於山西河南。諸公侯皆聽節制。時詔立勛臣望重者八人。勝居第三。明祖晚年猜忌功臣。功臣多以小過夷滅者。勝功最高。帝忌之尤甚。而勝又不能早死。以全首領。而免

帝有殺功臣名藍玉誅之月召還京踰二年。賜死。諸子皆不得嗣。而國用子誠立戰功於雲南。累官至右軍左都督。克世其家。

十一 勝之遠見

納哈出者。元木華黎裔孫。爲太平路萬戶。太祖克太平。被執。以名臣後待之厚。知其不忘元。資遣北歸。元旣亡。納哈出聚兵金山。蓄牧繁盛。帝遣使招之。終不報。數犯遼東。爲葉旺所敗。勝臨以大兵。乃降。封海西侯。從傅友德征雲南。道卒。子察罕。改封瀋陽侯。夫當納哈出來。降常茂。斫傷其臂。情勢洶洶之際。勝何難斬之以逞一時之憤。顧念納哈出素得塞外之心。殺之足以傷降人之感情。不殺足以資他年之効用。也是勝之所以爲國家計者至深且大。明祖不思遽沒其功。而迫之死。爲功臣者孰不寒心也耶。